

---

## UiTM Melaka yakin mara ke final

PASUKAN bola tampar Universiti Teknologi Mara (UiTM) Melaka yakin mara ke final Karnival Sukan Mahasiswa (Karisma) UiTM di Shah Alam dari 19 hingga 25 November ini.

Walaupun berdepan tugas getir melepasi setiap halangan bermula pada peringkat kumpulan, namun komitmen tinggi pemain ketika sesi latihan dan persahabatan diyakini mampu membuahkan hasil terbaik.

Pegawai Sukan UiTM Melaka, Mohd Tarmizi Mahmud berkata, berdasarkan persiapan agresif, pasukan itu dijangka mampu memberi cabaran hebat kepada pasukan lain termasuk UiTM Shah Alam, Sabah, Sarawak, Pahang dan Perak.

“Keupayaan pasukan dilihat meningkat dengan pengalaman berharga beberapa pemain yang pernah beraksi bersama pasukan UiTM Melaka di Karisma 2009 dan kami yakin mampu menepati sasaran,” katanya.

---